



三州輯畧

ル 5
3610
3



門 6
號 3610
卷 3

三州輯畧卷之三

庫藏門

謹案新疆庫藏掌屯營度支歲數十萬計而三州膏腴輸粟爲賦例無丁銀其所需

帑項悉由蘭州藩庫常川撥解有出而無入是由徒東庫以實西庫耳職斯任者筭鑰維謹亦如口司出納而腹制多寡庶幾備邊積完爲長久之計也否則虧移侵冒法令綦嚴監察者烏得卸其咎爰



恭檢

憲章奏贖依次編纂其庫存實數則按照嘉慶十二年

正月盤查清冊載焉

乾隆四十六年十月奉

上諭據佛德等奏查辦冒賑之哈密通判經方任所賞財
查出該員經管庫項銀二萬三千餘兩用去無存詢據
該員供稱係在省還債使用及不肖家奴書役花費等
語此事尤堪駭異是於冒賑之外復敢將領存貯庫正
項盡行侵用公然無忌非尋常虧空挪移者可比不可
不徹底嚴查另案專辦該員現在解赴蘭州審訊着傳
諭李侍堯卽親提該犯用刑嚴鞫何以侵冒官項至如
許之多將來定案時又當以侵盜庫銀爲重不得歸入
冒賑各犯案內僅按銀數多寡爲定罪之輕重也至此
項庫存銀兩該員侵用無存佛德哈靖阿近在同城豈
無見聞乃直至此時查辦始行和盤托出平日所司何
事佛德哈靖阿卽着革去職銜其經方侵用之庫項二

萬三千餘兩並令伊兩人照數分賠至奎林曾任烏魯木齊都統所有各屬員經管之項尤應留心稽查乃一任劣員侵用花消全無覺察其不是更大並着奎林仍將此項銀兩照數賠繳其失察之道府亦着李侍堯查明並令按數賠繳以示懲儆嗣後新疆所有各處錢糧庫項除本管該都統應行實力查驗不得僅以道府盤查結報塞責如有侵挪虧缺等弊惟該都統是問外其駐劄同城之辦事大臣並着一體稽查無分畛域欽此

乾隆四十三年都統索諾木策凌具

奏查烏魯木齊每歲應需各項銀兩俱由內地調取備用此數年來攜眷兵民倍加增添各項事務較前殷繁又添設道府州縣一切章程雖與內地無異究係新疆孔道爲各處總滙之區接借過往大臣官兵鹽菜等項並運送伊犁塔爾巴哈台官物所需運腳銀兩較前亦屬倍多並無外備項欸近年以來接濟各項使用若有不敷因距內地寫遠

當時調取不及或由內地運送伊犁餉銀截留或在提督庫貯經費銀內調取使用雖與公事無誤倘遇緊急之事始往內地調取當時不及實與公事無益自應預爲籌計辦理請仿照內地道府州縣庫貯備用銀兩之例烏魯木齊鎮迪道署內設庫貯銀二十萬以備經費不敷之用並將用過銀兩照例報部核銷至缺欠之數仍咨陝甘總督照數補解常川存貯作爲正項備用

乾隆四十八年都統明亮具

奏查烏魯木齊每年所需各項銀兩合計一年敷用數目調取備用一面奏

聞一面行文陝甘總督於年前冬季解送之處奏明遵辦在案今查迪化州庫存貯銀兩足敷明年一歲支用毋庸調取外其餘庫爾喀喇烏蘇宜禾縣奇台縣並吐魯番廳四處明歲所需大臣官員俸廉以及各項官兵鹽菜等項銀九萬一千三百五十

四兩零其各該處現貯銀兩估計支至本年底止
外尙應調八萬五千九百四兩零又估需一年接
濟過往官兵鹽菜銀并公用銀四千兩應行文陝
甘總督照例解送其用過銀兩年底照例報部核
銷

乾隆四十九年都統海祿具

奏經軍機處議覆查烏魯木齊等處自從新疆開闢
以後蒙

皇上天恩設立經費不惜多費帑金爲萬年經久之計從
前章程初定時一切支用本屬有贏無絀惟是奉
行日久不肖官吏因庫貯充盈遂至任意浮銷自
當設法清釐據實核減以節糜費而杜弊端除鎮
迪道庫貯銀二十萬兩應照舊存貯備用外現據
該都統查照四十七年造銷核計所有哈密廳已
歸內地管轄每年造銷運腳銀兩應聽督臣會同
該處駐劄大臣查辦其烏魯木齊所屬年例經費

實需銀一十二萬五千五百餘兩內運腳一欸經該都統奏請安設車輛計節省銀五萬九千餘兩又巴里坤總兵檔房雜費各營出差坐卡官兵鹽菜磨工醫生石匠工食屯田卡倫騎馱馬鞍銀兩碾造硝劬火藥牲畜草料等項均係浮費應行裁汰節省銀九千餘兩應照該都統所奏節省銀數辦理以歸核實又該都統奏稱巴里坤過往官兵鹽菜等項每年約需銀二千一百餘兩自東來者

可由哈密支至伊犁塔爾巴哈台等處自西回者可由各該處支至哈密不必沿途支領其吐魯番古城屯田聽差官兵鹽菜併各營分數加增賞項需銀一萬八千餘兩此外宜禾縣吐魯番採買供支滿營兵糧每歲約需銀一萬五六千兩均可於哈密取領查哈密係新疆門戶爲銀糧總滙之區有駐劄大臣經理更昭慎重亦應如該都督所奏嗣後總交哈密駐劄大臣隨時據實支領由台車

運毋須開銷運脚致滋糜濫至該處應支辦事大臣司員筆帖式養廉鹽菜紅白賞項南路換防軍台驛站修補農器車輛一切供支各項銀三萬五千五百餘兩據該都統奏稱奇臺縣濟木薩解交迪化州買補倉糧一項現在倉糧足敷備貯毋庸買補每年約扣銀七千五百餘兩又各廳州縣房租地課牲稅每年約計收銀二萬八千餘兩連前共銀三萬五千五百餘兩盡數解交道庫足敷支領亦應照該都統所請按季具領支用造報卽以本地欸項供本地支銷所有內地撥解經費銀二十餘萬應永行停止

乾隆四十九年署都統圖思義具奏經軍機處議准烏魯木齊所屬各廳州縣房租牲稅原係儘收儘報並無定額經前任都統海祿奏請裁汰經費案內清查各屬徵收數目計月分攤作爲定額其銀二萬七千九百餘兩抵作經費茲據該署都統圖

思義查明濟木薩短銀六百九十餘兩宜禾縣短銀一千餘兩迪化州屬昌吉綏來呼圖壁所收租稅亦有不敷臣等詳加覆核自屬該處實在情形若仍照海祿所定額數概行加增而該處往來商販舖面開閉無常牲畜多寡又難懸定地方官惟恐徵收缺額或致累及商民轉非仰體我

皇上愛養邊氓至意應請將烏魯木齊各屬租稅銀兩儘收儘報毋庸按照原額辦理該處年例經費實共

需銀若干除收獲租稅外尚須添補若干亦須通

盤籌畫應令該都統詳細查明具奏

乾隆五十三年戶部咨覆准烏魯木齊滿營五十三年應需俸項銀兩在於上年冬撥案內題請預撥銀二十萬兩

嘉慶十二年都統和瑛具

奏盤查鎮迪道庫存貯備用雜項等欸共銀二十七萬九千五百六十三兩零又存嘉慶十年糶賣四

屬倉糧價銀五萬一千七百八十五兩又存八年
至十一年課金五百五兩零迪化州庫存貯滿洲
兵餉并經費等欸共銀二十一萬四千四百兩
本年五月都統和瑛具

奏為停調經費銀兩以節糜費事竊照烏魯木齊所
屬歲需經費銀兩例應先一年五六月約估數目
奏明由陝甘督臣調取解赴烏魯木齊應用歷久遵
辦在案茲屆應行調取之期據各屬冊報十三年

分應需銀六萬六千餘兩由鎮迪道核轉詳請查

辦等因臣批飭該道詳查現存道庫銀若干是否

足敷明歲供支毋庸由內地調取經費確查詳報
以憑核辦去後嗣據該道詳稱道庫現存經費糧
價併雜項銀兩共一十八萬三千一百餘兩足敷
一二年之用並造具細冊申送前來臣覆核數目
相符應將十三年所需經費六萬六千餘兩即在
道庫現存銀兩照數支發毋庸由內地調取以省

長途輓運之費此外尚有餘剩銀兩俟明年核定
數目可否再停調取另行具

奏除報戶部並知照陝甘總督臣外恭摺奏

聞奉

硃批戶部知道欽此

鎮迪道庫

共存各項銀三十三萬二千三百四十八兩四錢三
分九厘六毫

備用銀一十三萬七百二十四兩

經費銀一十三萬六千九百九十七兩七錢三分

五厘

雜項銀一萬一千八百四十二兩七錢四厘

糧價銀五萬一千七百八十五兩

共貯課金五百五兩三分一厘

遇有便員帶解
內務府交納

共貯制錢三十千八十文

迪化州庫

共存各項銀二十一萬三千九百五十三兩三錢八分八厘

滿餉銀二十萬六千三百八十九兩七錢一分六厘

經費銀六千五百七十三兩一錢八分二厘

雜項銀九百九十兩四錢九分

倉儲門

謹案常平社義自古倉儲之制尙矣顧內地之倉以濟民食為主而新疆之倉以裕軍糈為要尤不可不慎也蓋烏魯木齊地方雨澤稍稀水泉頗旺穿渠灌溉比歲豐登向無蠲賑之條故城邑倉庾累積以百餘萬計且出陳易新以防朽蠹借籽貸口以蘇困窮法良意美殆以裕軍需而兼濟民食者也定例量出入則以合勺為斷不得多設尾零

所以杜飛灑浮收之弊乾隆三十一年戶部議定平糴糶則以

市直為準不得任情增減所以絕勒價派買之端

乾隆五十四年戶部議定各屬糧價每月奏報茲檢歷年文卷依次纂列

其倉存實數則按照嘉慶十一年冬季冊報載焉

乾隆二十七年辦事大臣旌額理等具

奏內地民人四百餘戶招集墾種地畝辦給農具口

糧籽種每戶各開墾種至三十畝

乾隆三十一年戶部咨覆遷來戶民七百零六戶每

戶部例撥地三十畝共地二萬一千一百八十畝

應將散給籽種等項仍照原議年徵還報部

乾隆四十四年都統索諾木策具

奏內地辦送戶民抵屯遲早有立夏以後到屯

不及播種夏禾者共一千有芒種以後到屯

不能趕種秋禾者一十三戶議立夏後到者借

給籽種並至九月口糧芒種者借至次年六

月口糧照例於陞科後分作三年帶征扣還

乾隆四十九年奉

上諭前據常青奏宜禾縣採買糧石一摺因思新疆既有收穫糧石何以仍需採買據軍機大臣查奏伊犁塔爾巴哈台等處所獲糧石俱足敷供支並無採買惟烏魯木齊巴里坤吐魯番哈密四處供支尙有不敷向係動支採買糧石又或因秋收豐稔平糴倉貯預備借給籽糧等語採買最易滋弊非浮冒開銷卽短價勒買從前經方等獲罪皆由乎此如果供支不敷則烏魯木齊各

處隙地甚多與其聽內地民人前往開墾迨收穫糧石地方官又重價向買殊屬非計何不派兵耕種俾每年糧石多爲收穫既可備供支之用無須採買滋弊兼可使兵丁習勞耕作豈不一舉兩得著傳諭常青永安尙安巴延三穆和蘭公同籌畫據實覆奏欽此五十年都統常青等會

奏查吐魯番哈密毗連回田並無隙地且沙石相連缺水灌溉難以屯種惟烏魯木齊迪化州各工除

現在屯田外尚有餘地一萬餘畝可以分駐提標
加添屯種迪化州可多收糧九千餘石其不敷糧
三萬八千餘石仍舊撥運查巴里坤每歲供支共
需小麥一萬八千餘石除戶民每歲額徵小麥二
千二百餘石屯兵等交收小麥四千四百餘石不
敷糧一萬一千四百石查沙山子奎素石人子等
處隙地俱零星不成片段且現安插戶民居住恐
渠水不足反致周章毋庸加兵屯種其不敷糧石

查奇台縣現存糧一十四萬餘石若撥運巴里坤
備用原可停止採買

乾隆五十年陝甘總督福康安都統奎林等遵

旨會奏查採買一事如其查察不嚴誠屬弊端百出果能

核實辦理視每歲價賤之時按照市價公平購買
毋許浮開價值抑勒閭閻則採買亦非必不可行
之事如常青所議加兵屯種增收糧石實係隔礙
難行其不敷糧石仍核實採買視價賤之時不妨

多買存貯足備二年之用遇價貴之年卽行停止
乾隆五十三年都統尙安具

奏查烏魯木齊所屬迪化昌吉阜康綏來宜禾奇臺
等六州縣並濟木薩呼圖壁歷年倉貯麥豆在十
年以上者共六萬三千餘石若不籌酌辦理必致
霉變實屬堪虞查關內各直省原有存七糶三之
例新疆現存倉糧至六萬三千餘石已在十年以
上請分作三年出糶於秋季買補還倉嗣後如有

逾十年之糧卽照此例辦理

乾隆五十七年都統尙安具

奏查巴里坤現牧孳生駝隻年久並無使用迪化州
每年支放滿營官兵不敷糧四萬二三千石雇覓
牛車撥運歲需脚費已及萬兩若將此項孳生駝
五百隻招募殷實商民承領運送現有商民袁起
劉呈強馬興承領此駝自八月起至次年三月止
可運官糧四萬七八千石需費銀六千七百餘兩

至此項駝隻常川使用難保不無倒斃但駝隻內亦有孳生者如有倒斃卽以孳生撥補如有倒斃不准報倒亦不取孳生

嘉慶十二年正月都統和瑛具

奏爲體察新疆實在情形酌擬更正以除積弊以順民情事竊查烏魯木齊地方水土旺盛民戶殷繁每歲豐收並無荒歉雖巴里坤古城等處稍覺枯寒然不過節候較遲其麥豆收成一律豐稔是以

各鄉戶民按畝輸糧別無徭役民力原無拮据洵樂土也惟地方官不知體恤民艱踵增剝削藉口採買倉糧出陳易新并出借籽種口糧等欸一切短發浮收催科勒派百弊叢生實非撫馭邊氓之道_臣檢齊案卷細察民情謹擬五條酌定行止爲我

皇上敬陳之一州屬四鄉採買倉糧十萬石宜亟行停止也查都統奇臣原奏因昌吉綏來濟木薩呼圖

璧等四處糧石過多請撥十萬石存貯迪化州倉以備緩急此爲衷多益寡充裕州倉措詞近理是以奉

旨允行但不應將糧石仍在四屬本處變價復由該州領價採買輾轉出納致啟弊端且州城人戶衆多豈不虞市價增昂商民艱食辦理未爲盡善臣查昌吉縣現存倉糧二十二萬二千餘石呼圖璧現存倉糧十九萬三千餘石此兩處距州城不過一

二站儘可撥官駝數百隻每處撥解五萬石分年陸續運貯州倉以足十萬石之數何必按戶攤買致累小民口食請自十二年春季起將採買糧石永行停止其糶價銀兩存貯道庫作爲經費庶官吏減一採買之名則閭閻少一追呼之苦而倉庫俱臻充裕矣一夏間出借口糧宜通行裁革也查乾隆四十四年前任都統索諾木策凌因內地民人初到量爲安插議以借給口糧俾資接濟並非

常例乃各州縣相沿二十餘年每年按戶借給口糧春放秋收動至五萬餘石殊屬不成事體今查烏魯木齊所屬一府一直隸州各莊戶民安立室家生計久遠並無歉收之歲何需借給口糧徒爲官吏藉端短發浮收致滋弊竇應請嗣後通行裁革以慎倉儲百姓亦少拖累矣一春間出借籽糧最便農民宜禁止攤派也查乾隆三十二年前任總督溫福因戶民甫經招徠安插未定春間恐乏籽種有悞農時酌議

奏請借給籽種及時播種奉

旨允行在案此後各州縣歷久遵行雖與農民有益但不應按戶攤派致啟弊端請嗣後嚴飭各屬詳查戶民願借者借給不願者聽務令支放本色秋成後平斛收納每石照例加收一斗小民亦所樂從如有額外浮收並折價抵扣等弊一經發覺定將該地方官嚴參究治一倉糧出陳易新宜照舊例遵

行也查迪化州并所屬及庫屯精河等八處存貯倉糧一百五萬九千五百八十餘石恐其日久霉變虧缺額數是以原定章程照內地出糶之例每春將十年前存貯之糧按時價糶賣秋成後買補還倉雖無一定之數約不過二萬八千餘石請嗣後仍照舊例辦理并嚴飭各屬務須公平出納以裕倉儲一採買兵糧宜照舊例遵行也查吐魯番宜禾縣兩處歲收糧石不敷支放兵餉每年約採

買一萬七八千石接濟兵食應照舊例辦理以上五條臣悉心籌畫分別行止以除積弊以靖地方如蒙

俞允俟

命下之日臣一面出示曉諭鄉民并飭屬造具細冊咨報戶部查核永遠遵行庶於新疆久住農民稍有裨益爲此恭摺具

奏奉

硃批軍機大臣會同該部議奏欽此大學士慶桂等具
奏^臣等謹按和瑛具奏各款悉心參酌公同核議分
欵開列恭呈

御覽查嘉慶十年六月內據前任都統奇臣具奏請將
昌吉綏來濟木薩呼圖璧等四處倉糧撥出十萬
石在各該處分糶將所糶價銀解交道庫飭令迪
化州分作兩年照數採買歸入州倉永遠存貯備
用等因奏准在案今該都統以前項糧石若由該

處出糶該州領價採買恐市價增昂商民艱食請
將附近倉貯充裕之昌吉呼圖璧兩處用官駝數
百隻撥運十萬石分年運貯州倉將糶價銀兩存
貯道庫作為經費自係該都統體察地方情形酌
擬停止採買改為撥運與倉貯民食兩有裨益惟
原奏內稱撥運糧石請用官駝數百隻分年馱運
查此項糧石究係用駝若干隻應否需用牽夫運
脚等項共需銀若干並應動用何欵銀兩其綏來

濟木薩兩處現在存貯倉糧若干石是否無庸撥運摺內均未聲明應令該都統詳細查明覆奏到日再行核議查乾隆四十四年五月內據原任都統索諾木策凌具奏內地初到民人量爲安插請酌借口糧俾資接濟等因奏准在案今該都統以該處戶民生計久遠並無歉收之歲其出借口糧係因安撫初到戶民並非常例請將每年借給口糧一項通行裁革係爲剔除弊竇慎重倉儲起見

所奏自屬可行應令該都統將該處每年按戶出借口糧於本年春間卽行停止以杜弊端查烏魯木齊所屬各州縣種地戶民均係各處招徠其春間應需籽種全賴官爲借給以資耕作節年辦理在案今該都統以應借籽種應聽從民便禁止按戶攤派之累誠爲體察民情亦應如所奏辦理第摺內聲稱秋成後平斛收納每石照例加收一斗之處查出借倉糧惟社倉定例每石加息十升其

常平倉糧例免加息并查烏魯木齊歷年徵還出借籽種各案皆係照數徵還並無加息糧石今因何遽請每石加收一斗邊氓生計攸關理宜詳細酌核所有前項加收息糧應令該都統詳查例案分晰聲覆另行核議查乾隆五十三年三月內據前任都統宜綿具奏烏魯木齊所屬各州縣倉貯糧石有在十年以上者共六萬三千餘石霉變堪虞請將前項糧石分年出糶責令該州縣於秋季買補還倉並請嗣後如有逾十年之糧卽照此例辦理等因奏准在案今該都統請將各處十年以上糧石仍照舊例出陳易新係屬申明舊制業據奏明節年遵行在案應毋庸議查吐魯番宜禾縣二處每歲供支滿營並綠營官兵口糧等項約需糧五萬餘石除二處額徵糧石支放外不敷糧一萬七八千石不等每年均係該都統奏明採買供支事竣專案題銷今該都統以該二處採買糧石

仍請照舊遵行自因該二處倉糧不足兵食攸關勢須採買除准其照舊辦理外仍令該都統嚴飭所屬每年採買糧石務須公平購買毋得稍有抑勒致滋流弊等因具

奏奉

旨依議欽此本年五月烏魯木齊都統和瑛具

奏爲原議徵收春借籽種籌運州倉糧石分晰聲覆各緣由仰祈

聖鑒事准戶部咨稱所有停止迪化採買糧石裁革各屬出借口糧春領籽種聽民自便其出陳易新併宜禾吐魯番買備兵糧等欸均經議准知照前來臣當卽繕寫告示分發各屬徧爲曉諭俾令周知鄉邑戶民莫不歡欣惟原擬每歲出借籽種秋後每石加收一斗一欸部議以出借倉糧惟社倉例有加息至烏魯木齊歷年出借籽種皆係照數徵還今因何每石遽請加收一斗理宜分晰聲覆另

行核議等因查烏魯木齊州縣並無地丁錢糧祇按畝徵收糧石支放官兵口糧與內地情形迥異自乾隆三十二年前任陝甘總督溫福

奏請招徠農民借給籽種及時播種春田係專爲體恤邊黎起見亦與內地常平社倉偶因歲歉借給籽種之例不同惟各州縣每年出借相沿四十餘年關內民人遷集日衆若一旦概行停止其富者固無虞拮据而貧者未免怨咨臣仰體臣體

皇仁曾當堂細詢鄉民等僉稱今旣蒙革除採買折糶浮收諸弊小的等受惠無窮仍請春間借領籽種本色秋成後情願每石加糧一斗交倉等語臣細加體察似宜俯順輿情併量子限制是以於前摺內聲明該州縣不得按戶攤派其願借者借給不願借者聽其自便每石卽照該戶民等所請於秋成後照社倉例加收一斗現據鎮迪道同福詳稱各戶民願借籽種者出具甘給並委員監散本色

其數目已較從前減少至加收一斗之糧每年約
可得四五千石應俟秋收後徵有成數另欵充公
報部查核又原擬撥動昌吉呼圖壁兩處倉糧十
萬石請用官駝數百隻分年運貯迪化州一欵部
議以此項糧石用運駝若干需運費若干應動何
項銀兩詳細查明覆奏再行核議等因查前任都

統宜綿

奏明在巴里坤孳生駝內挑撥五百隻交給殷實商
戶承運四屬倉糧四萬餘石由濟八旗官兵口糧
每年議給工價銀六千七百餘兩歷久辦理在案
今擬將所撥昌吉呼圖壁兩處倉糧十萬石分作
五年運赴州倉以充積貯仍用官駝駝運每年祇
運二萬石共應用駝一百八十九隻約需喂飼駝
隻及牽夫口食銀二千五百餘兩隨飭令該州傳
喚運戶劉金魁劉成強等當堂詢問據稱情願承
領帶運等語至所需運費卽在各戶民領借籽種

每石加收一斗充公項下支銷毋庸另撥庫存正
項銀兩每年造冊咨報戶部查核再查綏來濟木
薩兩處距州城較遠毋庸議撥等因具

奏奉

上諭和瑛接准部咨將徵收春借籽種籌運州倉糧石
二款分晰聲覆一摺據稱烏魯木齊所屬州縣無地
丁錢糧祇按地畝徵收糧石支放官兵口食與內地
情形不同所借籽種係爲農民及時播種春田體恤

邊黎起見亦與內地常平社倉偶因歲歉借給籽種
者有別詢據該鄉民等僉稱春借籽種本色秋成後
情願每石加糧一斗交倉又撥運昌吉呼圖壁兩處
倉糧十萬石分作五年運赴州倉仍用官駝一百八
十九隻馱運約需喂飼及牽夫口食銀二千五百餘
兩卽在加糧一斗充公項下支銷等語著照所請該
處戶民春借籽種准其照社倉之例每石於秋成後
加收一斗所撥昌吉呼圖壁倉糧十萬石准其分作

五年用官駝馱運所需運費即於各戶民領借籽種
 每石加收糧一斗充公項下支銷該部知道摺併發
 欽此又都統和瑛查辦官成控案內一欵官成議將
 官駝五百隻燙烙官印不准出境駝運私貨等語查
 此項駝隻例無倒斃亦不取孳生該運戶若長年喂
 養實在力不能支是以吐魯番科布多等處運貨些
 微沾潤實係有便商賈歷久相安官成所議不准出
 境之處事不可行

迪化州倉

共貯各色京石糧二十一萬八千七十九石二斗零

小麥一十萬九千九百一十七石四斗零

豌豆二千四十五石八斗零

青稞二千六百九十石九斗零

粟穀三千四百二十一石一斗零

胡麻一石 稻穀二石 菜子一石

昌吉縣倉

其貯各色京石糧二十二萬三千六百八十四石八

斗零

小麥二十一萬一千四百四十八石三斗零

豌豆七千四百八石一斗零

粟穀四千八百二十八石三斗零

阜康縣倉

其貯各色京石糧一十一萬二千八百四十石五斗

小麥九萬九千三百九十六石九斗零

豌豆八千一百七十三石八斗零

青稞二千一百五十七石零

粟穀三千一百一十二石零

綏來縣倉

其貯各色京石糧二十萬八千三百五十九石零

小麥二十萬六百石七斗零

豌豆三千二百四十八石零

青稞四千三百七十九石六斗零

粟穀一百三十石六斗零

宜禾縣倉

其貯各色京石糧六萬四千七百石四斗零

小麥三萬一千九十一石七斗零

粳米三十一石六斗零

豌豆三萬三千三百二十三石六斗零

青稞二百四十三石三斗零

可臺縣倉

其貯各色京石糧七萬一百七十二石六斗零

小麥五萬九千一百五十三石一斗零

豌豆一萬一千一十九石五斗零

吐魯番倉

其貯各色京石糧三萬三千六百四十三石二斗零

小麥二萬六千九百九十五石一斗零

粟米八百五石四斗零

糜米一千五百五十四石七斗零

粟穀五百二十五石五斗零

糜穀二千三十五石四斗零

高粱一千七百二石一斗零

胡麻二十五石六斗

庫爾喀喇烏蘇倉

共貯各色京石糧五萬三千一百二十石三斗零

小麥三萬七千一百一十四石四斗零

豌豆一百四十二石七斗零

青稞一萬五千七百六十九石二斗零

粟穀九十三石九斗零

晶河倉

共貯各色京石糧三萬三千一百七十石八斗零

小麥一萬七千二百七十九石六斗零

大麥一萬五千八百四十八石二斗零

粟穀四十三石零

喀喇巴爾噶遜倉

其貯各色京石糧四千六百六十四石六斗零

小麥四千三百九十二石四斗零

豌豆六十五石一斗零

粟穀二百七十石

濟木薩倉

其貯各色京石糧一十九萬三千三十八石五斗零

小麥一十六萬七千二百二十七石九斗零

豌豆四千六十三石四斗零

青稞二萬一千五百八十五石零

粟穀一百六十二石一斗零

呼圖壁倉

其貯各色京石糧二十萬一千五百八十六石零

小麥一十八萬一千二百三十九石零

豌豆一萬三千一百二十二石四斗零

青稞四千四百六十六石零

粟米二千七百五十八石五斗零

頭屯所倉

共貯各色京石糧七千四百二十四石八斗零

小麥六千八百二十二石九斗零

豌豆五百六十石五斗零

粟穀四十一石三斗零

蘆草溝所倉

共貯各色京石糧一萬五千六百三十石三斗零

小麥一萬四千九百七十六石七斗零

豌豆五百九十六石三斗零

粟穀五十七石一斗零

塔西河所倉

共貯各色京石糧一萬三千五百一十九石一斗零

小麥一萬一千九百八十三石零

豌豆九百六十八石五斗零

粟穀五百六十七石五斗零

以上所屬各倉共存各色京石糧一百三十五萬三

千六百三十餘石

小麥一百一十七萬九千六百三十七石八斗零

豌豆八萬四千七百四十八石五斗零

青稞五萬一千二百九十一石三斗零

粟穀一萬六千一十一石八斗零

糜穀二千三十五石四斗零

高粱一千七百二石一斗零

大麥一萬五千八百四十八石二斗零

粟米八百五石四斗零

糜米一千五百五十四石七斗零

粳米三十一石六斗零

葫蘆二十六石六斗

稻穀二石

菜子一石

粟米八百正亦四百零
粟米二千五百正亦四百零

戶口門

謹案周禮戶版之書登於天府司民之職隸於秋

官所以重民生慎民命也顧三代以前肇州域制

井田其計戶口也較易三代以後土地闢生齒繁

其計戶口也甚難惟唐貞觀之初口分世業三年

獻書後世因以為制我

朝定制凡天下民數歲終大司徒彙黃冊以

聞而烏魯木齊所屬州縣戶口歲附於陝甘督臣辦理

嘗詢嘉峪關吏內地民人出關者歲以萬計而入
 關者不過十之一二今考乾隆四十八年烏魯木
 齊所屬民數其男婦大小一十萬二千有餘茲二
 十餘年又將倍蓰矣不寧惟是南路回部十三城
 暨土爾扈特和碩特布魯特等游牧其戶口至不
 可思議安居樂業其沐

皇仁雖耕農牧畜風俗不同然

聖天子一視同仁初無分畛域也易曰容保民无疆長

民者其慎思之 百八十一口

迪化州

嘉慶十一年止其男女三萬六千九百七十口

男大口八千五百八十五口

男小口一萬一千八百六十九口

女大口六千九百五十八口

女小口九千五百五十八口

昌吉縣

嘉慶十一年止共男女一萬八千四百八十八口

男大口七千六百四十四口

男小口二千六百六十五口

女大口五千七百七十二口

女小口二千七百四十四口

綏來縣

嘉慶十一年止共男女一萬二千七百八十五口

男大口五千四百八十一口

男小口二千五十一口

女大口三千七百七十二口

女小口一千四百八十一口

阜康縣

嘉慶十一年止共男女一萬一千五百一十八口

男大口四千三十七口

男小口二千四百五十六口

女大口二千八百三十五口

女小口二千一百九十口

呼圖壁

嘉慶十一年止共男女一萬一千一百七十六口

男大口四千五百五十四口

男小口二千一百六十一口

女大口三千三百六十五口

女小口一千九十五口

濟木薩

嘉慶十一年止共男女一萬八千二十五口

男大口七千四百八十四口

男小口二千六百三十九口

女大口六千一百五十一口

女小口一千七百五十一口

喀喇巴爾噶遜

嘉慶十一年止共男女一千六百七十四口

男大口六百二十二口

男小口三百三十七口

女大口四百二十一

女小口二百九十四口

精河

嘉慶十一年止其男女八十七口

男大口四十五口

男小口十一口

女大口二十五口

女小口六口

庫爾喀喇烏蘇

嘉慶十一年止男大口二百一十三口

塔西河

嘉慶十一年止其男女一千一百五十口

男大口七百五十四口

男小口九十八口

女大口一百五十七口

女小口九十六口

蘆草溝

嘉慶十一年止共男女八百六十三口

男大口二百九十二口

男小口二百五十二口

女大口一百八十七口

女小口一百三十三口

頭屯所

嘉慶十一年止共男女七百七十七口

男大口一百八十二口

男小口一百九十五口

女大口一百八十九口

女小口二百一十一口

宜禾縣

嘉慶十一年止共男女八千六十四口

男大口三千九十九口

男小口二千五十九口

女大口二千三百五十口

女小口六百一口

奇臺縣

嘉慶十一年止共男女三萬一千七十五口

男大口九千七百五十口

男小口八千六百八十六口

女大口六千五百三十三口

女小口六千五百八十六口

以上戶口均按每年查報之數彙冊咨送陝甘總

督核辦其綠營眷兵家口不在其內

各屬綠營眷兵一萬一千

五百餘名其口數約有四萬數千餘口

乾隆三十九年戶部奏查定例三年一次編審壯丁

均由各省駐防造具編審壯丁印冊送部

乾隆四十八年二月軍機大臣議覆都統明亮具

奏烏魯木齊地方係新疆要地遇有馬甲缺出俱於

壯丁內揀選年力強壯弓馬嫻熟者挑補但官兵
移駐以來已數十年生齒日繁戶口多寡不一或
壯丁過多之佐領下出有甲缺應挑之丁甚多或
壯丁稀少之佐領下出有甲缺一時不能挑取精
壯之人若不均齊辦理則挑補甲缺以及當差不
克均勻查乾隆二年西安將軍秦祿以八旗壯丁
多寡不一奏請均勻荷蒙允准併飭令各省駐防
將軍都統等將所屬壯丁一體均勻辦理在案今

烏魯木齊戶口繁衍多寡不一請將八旗壯丁均
勻在各佐領下挑甲當差不但戶口均勻而新疆
兵丁亦獲精壯足額嗣後或十年或五年生齒多
寡不一又需均勻之時再行查明辦理等因查烏
魯木齊駐防滿兵已有十年戶口繁衍多寡不一
明亮請將壯丁均齊辦理是爲駐防要地選放官
兵起見應如所奏辦理等因奉

旨依議欽此

賦稅

謹案則壤成賦本乎地算口出賦係乎丁此地丁之所自昉也市廛園圃則以租駝馬牛羊則以稅此租稅之所由名也新疆回部納粟出錢制頗近古若準噶爾部行廬為國專資牧畜不事農田故漢唐屯制已泯而不傳我

朝

天兵北下擒達西

達瓦齊

剿阿逆

阿睦爾薩納

而祁連山背凡

古所謂北庭輪臺金蒲宜禾蒲類者周數千里虛
無人焉然後徙甘涼之戶以實之招商賈之徒以
益之開易菑畬播勤菽麥其賦不以丁而以地不
以錢而以糧人土相依兵農稱便茲考烏魯木齊
所屬自乾隆壬午至今四十餘年安集農民二萬
九百餘戶陞科熟地九千五百餘頃徵糧七萬四
千一百餘石外域田賦曠古所無至於授市廛權
牲畜墾園圃則別爲租稅附編於末

田賦

迪化州

乾隆二十七年至四十一年止由內地攜眷移來民
人並本地招募戶商共一千三百一十一戶每戶
認墾荒地多寡不一共墾地四百二頃五十七畝
內除撥歸喀喇巴爾噶遜安插戶民實在其戶民
一百四戶退出地三十頃八十一畝
一千二百七十七戶共墾熟地三百七十一頃七十六
畝每畝照依科則徵京石糧九升六合三勺其額

徵京石糧三千五百八十八石四升八合八勺

乾隆四十二年本地招募戶民三百一十九戶每戶

認墾荒地多寡不一其種地九十八頃八十九畝

內除撥歸喀喇巴爾噶遜安插戶民
一十九戶退出地五頃八十七畝實在其戶民

三百戶其墾熟地九十三頃二畝

乾隆四十三年本地招募戶民一百八十八戶每戶

認墾荒地三十畝其種地五十四頃內除撥歸喀
喇巴爾噶遜

安插戶民三十九戶退
出地十一頃七十畝實在其戶民一百四十一

戶其墾熟地四十二頃三十畝

乾隆四十三年由內地攜眷移來民人五百六十一

戶每戶認墾荒地三十畝其墾熟地一百六十八

頃三十畝

乾隆四十四年本地招募並由內地攜眷移來民人

七百一十戶每戶認墾荒地三十畝其種地二百

一十三頃內除撥歸喀喇巴爾噶遜安插戶民
一十九戶退出地五頃七十畝外實

在其戶民六百九十一戶其墾熟地二百七十頃

三十畝

乾隆四十五年本地招募戶民二百戶每戶認墾荒

地三十畝共種地六十頃

內除撥歸喀喇巴爾噶遜安插戶民二十一戶

退出地六頃三十畝

實在其戶民一百七十九戶共墾熟地

五十三頃七十畝

乾隆四十六年本地招募戶民三十七戶每戶認墾

荒地三十畝共種地一十一頃一十畝

內除撥歸喀喇巴爾

噶遜安插戶民五戶退出地一頃五十畝

實在其戶民三十二戶共墾

熟地九頃六十畝

乾隆四十七年本地招募戶民八戶每戶認墾荒地

三十畝共墾二頃四十畝

乾隆五十五年本地招募戶民五戶每戶認墾荒地

三十畝共墾熟地一頃五十畝

乾隆六十年本地招募新增一戶墾熟地三十畝

嘉慶五年本地招募認種撤屯地戶民七十九戶

每戶認種地三十畝共種地二十三頃七十畝

嘉慶五年秋後招募認種撤退屯地九十六戶每戶

認種地三十畝共種地二十八頃八十頃

以上自乾隆四十二年至嘉慶五年共戶民二千

一百九十六戶共種地六百六十一頃九十九畝

內除撥歸喀喇巴爾噶遜安插戶民一百三戶退出地三十一頃七畝實在戶民二

千九十三戶共墾熟地六百三十頃九十二畝額

徵糧六千七十五石七斗零八

乾隆五十一年丈出餘地八百二十七頃九十四畝

內除撥歸喀喇巴爾噶遜地一十一頃九十六畝實在餘地八百一十五

頃九十八畝都統宜綿奏准照例減半徵收其應

徵京石糧三千九百二十八石九斗零

以上實在戶民三千三百戶共種地一千八百一

十八頃八十六畝共額徵京石糧一萬三千五百

八十四石七斗零小麥一萬二千二百二十六石二斗零豌豆一千二百五十

八石四斗零

昌吉縣

乾隆二十七年至四十一年止招徠各戶並頂認故

民地畝共二千二百一十一戶每戶認墾荒地多

寡不等其種地六百六十九頃三十八畝每畝照依科則

徵京石糧九升六合三勺共額徵京石糧六千四百四十六石

一斗二升九合四勺

乾隆四十二年招徠農民五十二戶每戶認墾地三

十畝共墾地一十五頃六十畝

乾隆四十三年招徠農民一百戶每戶認墾荒地多

寡不等其種地三十一頃五十三畝

乾隆四十四年由內地遷移並招徠農民八百六十

戶每戶認墾荒地多寡不等其種地二百六十

五頃二十一畝

乾隆四十六年招徠農民一戶認墾荒地三十二畝

嘉慶五年本地招募認種撤退屯地戶民一百八十

五戶每戶認種地三十畝共種地五十五頃五十

畝

嘉慶六年本地招募認種撤退屯地戶民七十一戶

每戶種地多寡不等其種地二十一頃三十六畝

以上自乾隆四十二年至嘉慶六年止共戶民一

千二百七十戶其種地三百八十九頃五十二畝

額徵糧三千七百五十一石七斗零

乾隆五十一年丈出餘地五百九十六頃七十七畝

都統宜綿奏准照例減半徵收其應徵京石糧十

千八百七十三石四斗零

以上實在戶民三千四百八十一戶其種地一千

六百五十一頃六十七畝其額徵京石糧一萬三

千七十石六斗零

小麥一萬一千七百六十三石
五斗零 豌豆一千三百七石

綏來縣

乾隆四十一年安插安南種地廠徒一百八十六戶

每戶種地三十畝其種地五十五頃八十畝

內除殘廢

不能耕作並陸續病故廠徒八十
九戶退出地二十六頃七十畝

實在廠戶九十

七戶每戶種地三十畝其種地二十九頃一十畝

每畝徵京石糧 九升六合三勺 共額徵糧二百八十石二斗零

乾隆四十二年招徠戶民四百二十八戶每戶種地

三十畝其種地一百二十八頃四十畝

乾隆四十二年安插眷兵子弟分戶二百七十八戶

每戶種地三十畝其種地八十三頃四十畝

乾隆四十三年招徠戶民並安插眷兵子弟分戶一

百三十五戶每戶種地三十畝其種地四十頃五

十畝其種地共計三千四百八十一畝其種地一千

乾隆四十四年招徠戶民並安插眷兵子弟分戶八

百七十五戶每戶種地三十畝其種地二百六十

二頃五十畝

乾隆四十五年招徠戶民並安插戶民子弟分戶二

百三十五戶每戶種地三十畝其種地七十頃五

十畝

乾隆四十六年安插戶民子弟分戶二十一戶每戶

種地三十畝其種地六頃三十畝

乾隆四十七年安插商戶一十五戶每戶種地三十

畝共種地四頃五十畝

乾隆五十二年安插子弟分戶有眷商民由阜康宜

禾濟木薩移來戶民厥徒為民遣犯除陸續病故省釋回籍八

戶退出地二頃四十畝實在戶民五百一戶每戶種地三十

畝共種地一百五十頃三十畝

乾隆五十三年招募商民並子弟分戶四十四戶每

戶種地三十畝共種地一十三頃二十畝

乾隆五十四年本地招募戶民二戶每戶種地三十

畝共種地九十畝

乾隆五十五年本地招募並有眷商戶一百二十一

戶每戶種地多寡不等共種地六十九頃八十畝

乾隆五十六年本地招募子弟分戶一百二十一戶

每戶種地多寡不等共種地六頃四十畝

乾隆六十年本地招募子弟分戶六戶每戶種地三

十畝共種地一頃八十畝

以上自乾隆四十二年至六十年實在其戶民二千七百八十三戶其種地八百六十八頃五十畝額徵糧八千三百六十三石六斗零

乾隆五十一年丈出餘地六十九頃二十二畝

除殘廢病

故厥徒退出地五十七畝

實在餘地六十八頃六十五畝都統

宜綿奏准照例減半徵收其應徵京石糧三百三

十石五斗零

以上實在戶民二千八百二十戶其種地九百六

十六頃二十五畝其額徵京石糧八千九百七十

四石四斗零

小麥八千七十七石零
豌豆八百九十七石四斗

呼圖壁

乾隆三十八年至四十一年本地招募戶民並安插

厥徒其戶一百三十二戶每戶種地三十畝其種

地三十九頃六十畝

內除病故並殘廢不能耕作
厥徒三十二戶退出地九頃

六十畝

實在其戶一百戶其種地三十頃

每畝徵糧
九升六合

其額徵京石糧二百八十八石九斗

乾隆四十二年安插內地招徠戶民九十四戶每戶

種地三十畝其種地二十八頃二十畝

乾隆四十三年安插內地招徠戶民並攜眷商戶一

百八十四戶每戶種地三十畝共種地五十五頃

二十畝

乾隆四十四年安插內地招徠戶民並攜眷商戶四

百二十一戶每戶種地三十畝共種地一百二十

六頃三十畝

乾隆四十六年招募商民並子弟分戶二百三十三

戶每戶種地三十畝共種地六十九頃九十畝

乾隆五十五年本地招募認種厥徒病故遺地一十

五戶每戶種地三十畝共種地四頃五十畝

乾隆五十九年本地招募認種厥徒病故遺地二戶

每戶種地三十畝共種地六十畝

嘉慶元年本地招募認種厥徒病故遺地二戶每戶

種地三十畝共種地六十畝

嘉慶三年本地招募認種廠徒病故遺地一戶種地

三十畝

嘉慶五年招募新戶二百五十六戶每戶種地多寡

不等共種地七十六頃八十六畝

嘉慶七年本地招募認種廠徒病故遺地新戶二戶

每戶種地三十畝共種地六十畝

以上自乾隆四十二年至嘉慶七年止共戶一千

二百一十戶每戶種地多寡不等共種地三百六

十三頃六畝共額徵京石糧三千四百九十六石

二斗零

乾隆五十一年丈出餘地一百二十六頃四十三畝

內除病故殘廢廠徒退出地一頃八畝實在餘地一百二十五頃三

十五畝都統宜綿奏准照例減半徵收其應徵糧

六百三石五斗零

以上實在戶民一千三百一十戶共種地五百一

十八頃四十一畝額徵京石糧四千三百八十八

石七斗零

小麥三千九百四十九石八斗零
豌豆四百三十八石八斗零

阜康縣

乾隆二十九年至四十一年止招徠戶民並安插廠

徒共一千四百九十一戶

內除病故廠徒四十五戶退出地畝實在

共戶一千四百四十六戶共種地四百三十五頃

四十七畝每畝照依科則徵京石糧九升六合三

勺共額徵京石糧四千一百九十三石五斗七升

六合一勺

乾隆四十二年招徠戶民一百二十戶每戶認墾荒

地三十畝共地三十六頃

乾隆四十三年招徠戶民一百七十三戶每戶認墾

荒地三十畝共地五十一頃九十畝

乾隆四十四年招徠戶民二百戶每戶認墾荒地三

十畝共地六十頃

乾隆四十五年安插為民人戶二戶每戶認墾荒地

三十畝共地六十畝

乾隆四十九年安插為民人戶一戶墾種地三十畝
嘉慶五年本地招募認種撤退屯地民戶八十二戶
每戶種地三十畝共地二十四頃六十畝

以上自乾隆四十二年至嘉慶五年止共戶民五

百七十八戶 內除遷移綏來縣安插戶民六十
五戶退出地一十九頃五十三畝實

在戶民五百一十三戶其種地一百五十三頃八

十七畝額徵京石糧一千四百八十一石七斗零

乾隆五十一年丈出餘地四十七頃八十六畝 內除
病故

厥徒退出地
四十二畝實在餘地四十七頃四十四畝都統

宜綿奏准照例減半徵收共應徵糧二百二十八

石四斗零

以上實在其戶民一千九百五十九戶共種地六

百三十六頃七十八畝額徵京石糧五千九百三

石七斗零 小麥五千三百一十三石三斗零
豌豆五百九十石三斗零

宜禾縣

乾隆二十七年至三十七年止招募商民並安插戶

民湖廣海城等戶共墾荒地五百五頃二十一畝

內除逃亡物故戶民退實在種地四百三十九頃

出地六十六頃二十畝

一畝每畝照安西州之例 正糧四升一合八勺零
加糧四合一勺八抄零

草折糧三升 共額徵糧三千三百三十九石三升零

乾隆四十三年安插巴里坤哈密屯田為民遣犯共墾種地九十畝

乾隆四十四年安插巴里坤哈密為民遣犯共墾地九十畝

九十畝

乾隆四十五年安插安南厥徒共墾地二頃四十畝

乾隆四十六年安插武威永昌戶民共墾種地九頃四十二畝

四十二畝

乾隆五十四年安插商民共種地六頃

乾隆五十五年安插商民共種地一頃九十畝

嘉慶八年招募商民認墾大有莊缺額遣犯遺地共種地一十七頃四十七畝

以上自乾隆四十三年至嘉慶八年止其實墾地

三十八頃九十九畝額徵京石糧二百九十六石六斗零

乾隆五十一年丈出餘地六十七頃七十六畝都統

宜綿奏准照例減半徵收共應徵京石糧二百五

十七石七斗零

以上實在其種地五百四十五頃七十七畝共額

徵京石糧三千八百九十三石六斗零

奇臺縣

乾隆三十二年至四十一年止安插招募民商各戶

其種地七百七十頃五畝每畝照安西州之例

四升一合八勺零 加糧四合 正糧 共額徵京石糧五

一勺八抄零 草折糧三升 千八百五十七石二斗零

乾隆四十二年安插為民遣犯共墾地四頃八十畝

乾隆四十三年安插內地攜眷戶民並本地招募子

弟分戶共墾種地二百一十三頃九十畝

乾隆四十四年安插內地攜眷戶民並本地招募子

弟分戶共墾種地一百四十九頃七十畝

乾隆四十五年本地招募子弟分戶共墾種地六頃

九十畝

乾隆四十六年本地招募子弟分戶共墾種地三頃

三十畝

乾隆四十八年本地招募子弟分戶共墾種地一十

七頃四十畝

乾隆四十九年本地招募子弟分戶共墾種地八頃

六十畝

乾隆五十二年本地招募子弟分戶共墾種地四頃

九十畝

乾隆五十六年本地招募子弟分戶共墾種地四頃

八十畝

乾隆五十八年本地招募子弟分戶共墾種地九十

畝

嘉慶元年本地招募商民共墾種地九十畝

以上自乾隆四十二年至嘉慶元年止安插招募
民商各戶共墾種地四百一十五頃一十畝額徵
京石糧三千一百五十七石四斗

乾隆五十一年丈出餘地九百三頃八十六畝七分
都統宜綿奏准照例減半徵收共應徵京石糧三
千四百三十七石五斗零

以上實在其種地二千八十九頃一畝七分額徵
京石糧一萬二千四百五十二石二斗零

吐魯番

嘉慶十一年十二月二十四日都統和瑛為遵

旨議奏吐魯番招商墾地一案臣於十一月十五日在
嘉峪關外接准軍機處字寄奉

上諭玉衡奏查明曠地籌酌辦理並請將地租充公備
用一摺據稱查閱吐魯番雅爾湖葡萄溝一帶曠地
頗多當經派員勘量得空地一千餘畝宜於墾種約
計一年可收租銀三百餘兩可否准其招商開墾等

語從前吐魯番回衆原係內投伊界內地畝俱應令其自行擇便利種各爲生計今所丈得雅爾湖等處空地一千餘畝如係回人之地雖據稱離伊耕種地畝尙遠並無闕碍究非官地可比玉衡遠欲招商開墾歲收租銀二百餘兩所見未免太小着傳諭和瑛卽查明雅爾湖等處曠地是否吐魯番回人之地如查非回人地畝卽將該處是否可以耕種應行招商開墾徵收租銀之處據實詳悉奏聞再降諭旨欽此

欽遵寄信前來

臣

伏查吐魯番地方原係額敏和

卓所屬舊地乾隆年間額敏和卓率領全部

內投初設官兵駐守闢展嗣因其子蘇賴滿獲罪抄沒其私產田地分爲安展等七屯派綠營兵七百名屯種收糧額設領隊大臣一員移駐吐魯番管理在案自此吐魯番地方除建立城郭市廛軍台馬廠併七處屯工占用官地外其餘高原下隰仍令札薩克郡王台吉等屬下回人自擇所便此我

高宗純皇帝所以

普育羣生於西域也臣在南路總理八城其各城所屬回

莊曠地頗多從未聞有招商墾種之事其回人賃

田於民人者聽相安四十餘年今王衡創為招商

墾地之議得田不過千畝徵租不過三百誠如

聖諭所見未免太小且非官地可比宜聽回人自便

睿慮所及仁至義精實已無可移易乃復

特交臣詳細查明據實議

奏竊照臣等職守斯疆惟在平心撫馭民夷使之各

安生業與其更張舊制謀小利以集游民莫若仰

體

皇仁留餘地以處回衆所有雅爾湖葡萄溝一帶曠地

無論是否可耕應請毋庸招商開墾以杜煩擾回

疆之漸是否有當伏祈

聖明訓示遵行謹

奏奉到

硃批所見是另有旨欽此奉

上諭和瑛議奏吐魯番招商墾地一招所見甚是吐魯番地方本係額敏和卓所屬舊地嗣經抄没入官立城屯種蒙

皇考高宗純皇帝仍將餘地令札薩克等屬下回人自擇所便

柔遠恩施至爲優渥今已日久相安回民樂業揆之政體自不應以沾沾小利輕議更張和瑛所奏能見其大與朕前降諭旨適合已於摺內用硃筆圈出此事卽可無庸置議並知會玉衡遵照可也欽此

嘉慶十二年五月烏魯木齊都統和瑛案據吐魯番蘇們章京和卓木尼雜爾等呈稱查得回子阿卜甲伊斯等二十二名前於嘉慶六年在雅爾湖地方偷種地畝經前任明大人查出

奏明賞給六十家窮苦回子耕種在案今相隔數年阿卜甲伊斯等雖有本身地畝但家口日增實屬

窮苦伏乞施恩等情隨飭委吐魯番同知會同協領都統前往雅爾湖查明曠地丈量五百畝定立界址飭令蘇們章京具領分給四戶阿卜甲伊斯等二十二家按名均分自行開種報明存案又據民人魏良瀨等十五家情願認墾雅爾湖潮地一千三百四十畝堪墾卡爾地二百五十一畝湖地每畝交納租銀四錢卡爾地每畝交納租銀六錢交同知衙門存貯每年飭令蘇們章京具領分給

回戶提依普等一百二十一家養贍家口

吐魯番管理札薩克事務頭等台吉丕爾敦蘇們

章京和卓木尼雜爾分管回人額交糧三千石京斗

小麥一千五百石 高粱七百五十石 糜穀七百五十石

開展連木沁二處裁撤屯地一萬五千六百五十

畝額交糧一千五百六十五石京石小麥六百一十石 高粱六百

七十石 糜穀二百八十石

吐魯番自乾隆四十四年安設駐防滿洲屯工漢

兵向無招安民戶墾種荒田之例惟附近吐魯番
闢展城外認種園地共商戶一十六戶種園地二
百三十畝九釐每畝額徵租銀三錢五分共徵銀
八十兩五錢二釐

闢展屬之阿阿雅爾東西二處並齊克勝木台認
種沙地園戶一十二戶共種沙地四百八十畝一
釐每畝額徵租銀一錢共徵銀四十八兩一釐

庫爾喀喇烏蘇

嘉慶六年本地招募認墾屯地商民八十四戶每戶

種地三十畝其種地二十五頃二十畝 每畝徵京石糧九升

六合 其額徵糧二百四十二石六斗零 小麥二百一十八石

四斗零 豌豆二
十四石二斗零

喀喇巴爾噶遜

乾隆五十七年迪化州原安戶內撥歸喀喇巴爾噶

遜糧員經管共戶二百七戶每戶種地多寡不等

其地六十一頃八十八畝 每畝額徵糧九升六合三勺 其額徵

糧五百九十五石九斗零

乾隆五十一年丈出餘地一十一頃九十六畝都統

宜綿奏准照例減半徵收其應徵京石糧五十七

石五斗零

以上共戶民二百七戶共額徵糧六百五十三石

四斗零 小麥五百八十八石一斗零
豌豆六十五石三斗零

頭屯所

乾隆三十二年至四十一年止安插為民並安南夷

民厥徒等戶共五百三十七戶其種地一百六十

二頃 內除病故省釋等戶四百八十五
戶退出停徵地一百四十六頃 實在共戶

五十二戶共種地一十六頃二十畝額徵糧一百

五十六石六合

乾隆四十三年安插滇省土夷並安南子弟分戶五

十戶每戶種地三十畝共種地一十五頃 內除病
故三十

三戶退出地
九頃九十畝 實在共戶十七戶共種地五頃一十

畝

乾隆五十年安插為民人戶二戶共種地六十畝

乾隆五十二年安插為民人戶三戶共種地九十畝

乾隆五十五年安插為民人戶二戶共種地六十畝

乾隆五十八年安插為民人戶二戶共種地六十畝

乾隆五十九年安插為民人戶一戶種地三十畝

乾隆六十年安插為民人戶五戶共種地一頃五十

畝

嘉慶二年安插為民並子弟分戶共四十四戶共種

地一十三頃二十畝

嘉慶五年安插為民並子弟分戶共四十五戶共種

地一十三頃五十畝

嘉慶六年安插為民並子弟分戶共七十八戶共種

地二十三頃四十畝

嘉慶八年安插為民人六戶共種地一頃八十畝

嘉慶九年安插為民人五戶共種地一頃五十畝

嘉慶十年留所種地三年抵免徒罪人二戶共種地

六十畝

以上自乾隆四十三年至嘉慶十年止安插為民

並安南夷民厥徒等戶共二百一十二戶共種地

六十三頃六十畝額徵糧六百一十二石四斗零

乾隆五十一年丈出餘地四十三畝都統宜綿奏准

按例減半徵收其應徵糧二石七升四勺

以上實在共戶二百六十四戶共種地八十二頃

二十三畝額徵京石糧七百七十石五斗零

小麥六百

九十三石四斗零
豆七十七石五升零

碗

蘆草溝所

乾隆三十五年至四十一年止安插為民及厥徒共

六百一十七戶每戶種地三十畝

內除病故省釋
回籍人戶六百

一十三戶退出地一
百八十三頃九十畝實在共戶五十八戶共種地

一十七頃四十畝

每畝額徵京石糧
九升六合三勺

共徵糧一百

六十七石五斗零

乾隆四十三年安插為民人戶二戶

內除撥入
鐵廠一戶

實在

一戶種地三十畝

乾隆四十三年安插滇省土夷及安南礦徒共戶二

十一戶共種地六頃三十畝

乾隆四十四年安插為民人戶四戶每戶種地三十

畝共種地一頃二十畝

乾隆五十一年安插為民人戶三戶每戶種地三十

畝共種地九十畝

乾隆五十四年安插為民人戶一戶種地三十畝

乾隆五十五年安插為民人戶一戶種地三十畝

乾隆五十六年安插為民人戶一戶種地三十畝

乾隆五十七年安插為民人戶一戶種地三十畝

乾隆五十八年安插為民人戶三戶種地九十畝

乾隆六十年安插為民人戶四戶種地一頃二十畝

嘉慶元年安插為民人戶三戶種地九十畝

嘉慶三年安插為民人戶一戶種地三十畝

嘉慶四年安插為民並子弟分戶二十三戶共種地

三州軍署 卷之三
六頃九十畝

嘉慶五年安插爲民人戶一戶種地三十畝

嘉慶六年安插爲民並子弟分戶共四十七戶共種

地一十四頃一十畝

嘉慶八年安插爲民人戶一戶種地三十畝

嘉慶九年安插爲民人戶二戶種地六十畝

以上自乾隆四十二年至嘉慶九年止安插爲民

並子弟分戶共戶一百六十八戶種地三十五頃

四十畝額徵京石糧三百四十石九斗零

乾隆五十一年丈出餘地三十三畝都統宜綿奏准

減半徵收其應徵糧一石五斗八升九勺

以上實在共戶一百七十六戶共種地五十三頃

一十三畝額徵京石糧五百一十石零

塔西河所

乾隆三十六年至四十一年止安插爲民人戶共一

百八十四戶每戶種地三十畝共種地五十五頃

二十畝 內除病故減釋回籍一百五十八戶退出地四十七頃零 實在共戶二

十六戶共種地七頃八十畝額徵京石糧七十五

石一斗零

乾隆四十三年安插滇省土夷四十六戶種地一十

三頃八十畝 內除病故三十三戶退出地九頃九十畝 實在共戶一十

三戶共種地三頃九十畝

乾隆四十四年安插子弟分戶九戶共種地二頃七

十畝

乾隆四十五年安插為民一戶種地三十畝

乾隆四十七年安插為民一戶種地三十畝

乾隆四十八年安插為民九戶共種地二頃七十畝

乾隆四十九年安插為民十一戶種地三頃三十畝

乾隆五十年安插為民十五戶種地四頃五十畝

乾隆五十一年安插為民十一戶種地三頃三十畝

乾隆五十二年安插為民一戶種地三十畝

乾隆五十四年安插為民二十戶種地六頃

乾隆五十五年安插爲民二戶種地六十畝

乾隆五十六年安插爲民十八戶種地五頃四十畝

乾隆五十七年安插爲民一戶種地三十畝

乾隆五十八年安插爲民七戶種地二頃一十畝

乾隆五十九年安插爲民十戶種地三頃

乾隆六十年安插爲民十五戶種地四頃五十畝

嘉慶元年安插爲民十七戶種地五頃一十畝

嘉慶二年安插爲民分戶十戶種地三頃

嘉慶三年安插子弟分戶五十八戶共種地一十七

頃四十畝

嘉慶四年安插爲民分戶二十五戶共種地七頃五

十畝

嘉慶五年安插爲民十七戶共種地五頃一十畝

嘉慶六年安插戶三十五戶共種地一十頃五十畝

嘉慶八年安插爲民八戶共種地二頃四十畝

嘉慶九年安插爲民二戶共種地六十畝

以上自乾隆四十三年至嘉慶九年止其戶三百一十六戶種地九十四頃八十畝額徵糧九百一十二石九斗零

乾隆五十一年丈出餘地二頃六十九畝都統宜綿奏准減半徵收共應徵糧一十二石九斗零

以上實在其戶三百四十二戶共種地一百五十

頃二十九畝共額徵京石糧一千石九斗九升三

勺 小麥九百石八斗九升一合零 豌豆一百石九升九合

租稅

乾隆二十七年辦事大臣旌額禮等具

奏烏魯木齊商民開設鋪面房五百間酌量作為

三等頭等者三錢二等者二錢三等者一錢按月

收取

乾隆二十九年戶部議覆辦事大臣旌額禮等具

奏烏魯木齊兵民買賣馬匹牲畜俱官給印票按每

兩抽稅三分所收銀兩作為公用

乾隆四十九年軍機大臣議覆署都統圖思義具奏烏魯木齊所屬各廳州縣房租牲稅等項原係儘收儘報並無定額嗣經都統海祿

奏請裁汰經費案內將各屬徵收稅銀數目計月分攤作爲定額共額收銀二萬七千九百餘兩抵作經費茲據署都統圖思義查明各屬所收租稅不敷原額因該處商販舖開閉無常牲畜多寡又難懸定若照海祿所定額數地方官惟恐徵收缺額

或收累及商民請將烏魯木齊各屬租稅銀兩儘收儘報毋庸按照定額辦理

嘉慶十二年三月都統和瑛查辦官成控案親赴迪化城南關外稅局檢查抽稅票根冊簿逐日徵收稅錢係按原賣價銀多寡之數每銀一兩實收銀四分俱係儘收儘報

迪化州每年約收房租銀六千六百四十二兩
每年約收牲稅銀三千二百二十六兩

昌吉縣每年約收房租銀一千七百二十七兩

每年約收牲稅銀八百零三兩

呼圖壁每年約收房租銀二百四十一兩

每年約收牲稅銀一百零一兩

綏來縣每年約收房租銀八百十六兩

每年約收牲稅銀八百八十兩

阜康縣每年約收房租銀三百零八兩

每年約收牲稅銀二百三十三兩

濟木薩每年約收房租銀六百十兩

每年約收牲稅銀四百五十四兩

宜禾縣每年約收房租銀一千零二十二兩

每年約收牲稅銀一千三百八十五兩

奇臺縣每年約收房租銀二千三百三十七兩

每年約收牲稅銀二千一百六十五兩

吐魯番每年約收房租銀一千二百五十四兩

每年約收牲稅銀三百九十二兩

庫爾喀喇烏蘇每年約收房租銀一百六十六兩

精河每年約收房租銀三十五兩

以上各屬共約收房租牲稅銀二萬四千八百四

兩零 房租銀一萬五千一百六十二兩零 牲稅銀九千六百四十一兩六錢 解交鎮

迪道庫

烏魯木齊所屬各城園戶共五百六十六戶其種園

地三百二頃九十畝 每畝額徵地租銀一錢至三錢五分不等 其額徵

園地租銀三千八十六兩零交鎮迪道庫

迪化州園戶一百一十二戶其種園地一千八百六

畝其徵租銀一百八十兩六錢

昌吉縣園戶三十五戶其種園地一千三十六畝零

其徵租銀一百三兩六錢零

綏來縣園戶一百二十一戶其種園地九千一百六

畝其徵租銀九百一十兩零

呼圖壁園戶三十二戶其種園地七百五十七畝其

徵租銀七十五兩七錢

阜康縣園戶一十三戶共種地三百一十六畝額徵

租銀三十六兩六錢

濟木薩園戶八十一戶共種地一千八百四十一畝

額徵租銀一百八十四兩零

吐魯番闢展近城園戶一十六戶共種地二百三十

畝額徵租銀八十兩五錢零

闢展東西阿阿雅爾齊克騰木等處沙地園

畝外園戶一十二戶共種園地四百八十畝額徵租

銀四十八兩

庫爾喀喇烏蘇園戶九十九戶共種地一百三十四

頃二十三畝額徵租銀一千三百四十二兩

零

精河園戶四十五戶共種地一千二百四十三畝額

徵租銀一百二十四兩零

				<p>明三十三屆開辦馬賊一千三百四十二兩</p>	<p>車爾容喇烏燕園只衣十式只共蘇此一百三十四</p>	<p>疑四十八兩</p>
--	--	--	--	--------------------------	-----------------------------	--------------

